



23. april 2024

UPA2024/97/161  
Jens NapätôK', Naleraq

**Nioqqutissanik eqqussuinermi akitsuutit pillugit Inatsisartut inatsisaata allanngortinnissaanut, taamaasilluni tipigissaatit, pinneraatit eqqiluisaarnermullu atortut eqqussinermut akitsuutaat (Akitsuutit normuat 090) peerneqarluni, Naalakkersuisut siunnersuummik saqqummiussaqaarnissaannik piumaffigineqassasut Inatsisartut aalajangiiffigissaattut siunnersuut.**

(Inatsisartunut Ilaasortaq Nivi Olsen, Demokraatit)

**Nioqqutissanik eqqussuinermi akitsuutit pillugit Inatsisartut inatsisaata allanngortinneqarnera pillugu Inatsisartut inatsisaannut siunnersuut**

Aningaasaqarnermut Akileraartarnermullu Naalakkersuisoq

### Siullermeerneqarnera

Nioqqutissanik eqqussuinermi akitsuutit pillugit Inatsisartut inatsisaata allanngortinneqarnissaa pillugu Inatsisartut inatsisaannut siunnersuutit marlussuit ataatsimut oqalusserisassanngorlugit saqqummiunneqarput taassalu Inatsisartunut ilaasortaq Nivi Olsen, Demokraatiniit siunnersuutaa immikkoortoq 97 taamatullu Naalakkersuisut sinnerlugit Aningaasaqarnermut Akileraartarnermullu Naalakkersuisup saqqummiussaataat immikkoortoq 161 taakkulu Naleqqamiit imatut oqaaseqaateqarfigissavagut.

Nivi Olsen, demokraatit siunnersuutigisannut qujanaq imatullu siunnersuutigisat immikkortoq 97 Naleqqamiit oqaaseqarfigissavarput

Nivi Olsen siunnersuutaa Akitsuutit normut 090-iimmiittut, tassalu tipigissaatit, pinneraatit eqqiluisaarnermullu atortut eqqussuinermi akitsuutaasa peerneqarnissai pillugit Naalakkersuisut siunnersuummik saqqummiussaqaarnissaannik piumaffigineqassasut Inatsisartut aaliangiiffigissaattut siunnersuut saqqummiussaa uani suliap aappaata saqqummiunnerani pisariaarututut oqaatigisariaqarpoq taamaasilluni Naalakkersuisut siunnersuuteqatoq sioqqullugu saqqummiussereerneranni Naalakkersuisut siunnersuusiornissaagaluminnik allaffissornikkut aningaasartuuteqartussagaluarnerat uani sipaarneqartutut oqaatigineqarsinnavoq Naalakkersuisut uani oqaluuserisami siunnersuummut ilanngullugu namminneq Inatsisartut inatsisisaattut siunnersuut saqqummiuummassuk tipigissaatit, pinneraatit eqqiluisaarnermullu atortut nunatsinnut eqqunneranni akitsuutaat peerneqassasoq.

Naalakkersuisut siunnersuummik piumaffigineqassasut inatsisartut aalajangiiffigissaattut siunnersuut Nivi Olsen, Demokraatiniit saqqummiussaa annertunerusumik oqaaseqarfigisariaarukkaluartoq eqqumiiginaannarpoq nalilersuinngikkaluarlunilu Naalakkersuisut sioqqutipallammassuk allamik oqarfiunngilaq qinersingajalersimasuguna – ila oqarusunnarporluunniit ukiut tamaasa qinersisassgaluaratta.



Taamatulli oqareerluta Naleqqamiit uggorilaarparput tulleriaarineq aammalu akileraartarnikkut aaqqissuuseqqinniarniq torrallannerullugu Naalakkersuisut aaqqissuussiniarsarinnimmata nammineq allaffissiornikkullu isumat kisimik aallaaviginiarlugillusooq ingerlatsiniaannarnerat uggornartorujussuuvooq tamannalu inuiaqatigiinni aningaasanik tulleriaarilluni aqqissuussiniarnermi innarliinissaa Naleqqamiit uggoraarput aammalu allaffissornikkut aningaasartuutunik arparsaaniarnerigaluarneq ajoraluartumik apparsaaffiginagu akerlianik annertuseriarsinnaasunngorlugu aaqqissuuseqqinniarnit ingelammata Naleqqamiit uggoreqaarput

Naalakkersuisut nioqqutissanik eqqusuinermi akitsuutit pillugit Inatsisartut inatsisaata allanngortinneqarnera pillugu Inatsisartut inatsisaannut siunnersuut saqqummiussaanut qujariarluta imatut oqaaseqarfiggsavarput.

Akileraarutit isertitassat anneruniarpasinnerat aallavigalugu maannangaaq aaqqiigasuarneq akisuvoq tassalu 15 million kr-it 533 tusind nunatta karsianut annasaqaataasusanngorlugit amigartoorutaasusanngorlugit aningaasalerneqanngitsumik inissiinerit sooruna Naleqqamiit uggorilaarparput pilersaarusiorluagaanerumik aaqqiiffiqineqanngimmat. Inuiaqatigiit ingerlanneqarneranni suleriaaseq taamatut pipallatamik aaqqissuussinertut isigaarput taamatullu aappaagu ukioq qinersiviusussatut inissimasussami aningaasanut inatsimmut atuuttussamik qanoq aningaasartuutissat sipaaruteqarnikkut nassaarineqassanersut Naalakkersuisut saqqummiuppaat ukiutmut 28 mio kr-nit missaani naleqqartussaapput. Aningaasarpasuit isumaqatigiinniarniq sulii aallartingitsoq aammalu akileraartarnikkut Naalakkersuisut isumaqatigiinniarnigaluat iluatippallaarani Naalakkersuisuusut kisinngorullutik inissisimalersimasut ilumut tunuliaqutaasa tamarmik tapersernerpaat ilami partiit allat tamarmik soormita peqataajunnaarlutik inissisimasut taamatut alloriartoqariasaalerna.

Naalakkersuisut siulittaasuata tamanik peqataatitsinissani ajornartorsiuutigilersimanerpa imaluunniit una Siumut siulittaasuata akisusaaffigisani pillugu suliarinerpa?

Akitsuusersuisarnerit Naleqqamiit akerlerilluinnarlugit saqqummiisaqaaleratta aallaqqaammut uparuartortittarsimaqaagut aammalu nuannaarutigaarput unnuannakkut akitsuutisunik eqqussuisarnerit annikilisinneqarmata, kisianni ajoraluartumik inuit aningaasartuutissaanik allanik aallertoqartaqqinnera uggoreqaarput.

Uku akitsuutit piiarneqartut maannakkut Nunatta karsianut akisoqisut tassalu 28 mio kr-inik naleqartussaasut nunap inuisa inuuniarnerannut sunniuteqartussaanerat annikippoq aammalu inuuniapiloortunut sunniutissai annikippit ilami sodavand-it tipigssaait qummuuuttartullu pineqarput.

Qummoortartut akigisaata qaavatigut 100 %-imik akitsuutseqarnerata akitsuutaa 50%-imut apparnera torrallataangilaq ilami allaffissornermut asuli akissaajaataaginnalertussaavoq isumaarulluni isertitassat killeqartut aaniarneranni allaffissorneq annertussammat, taamaammat ataatsimiitaliami nalilersortikkusupparput akitsuut tamaat piiginnaranni akikinnerunginnersoq ilaannakusoortumik taama annikitsigisumik akitsuuteqartitsineq pisariaaruttutut Naleqqamiit isigaarput allaffissornikkut akitsorsaat aamma nioqqutissanut akitsorsaataaginnassammat.



# Naleraq

Maannakkut Naalackersuisut saqqummiussaas akitsuutit inuit toqqaannaq inuuniarnermikkut iluaqutigingisassarisaanik Naalackersuisut saqqummiinerat uggoreqaarput ila nunap inuisa inuuniapiloortut sooq aningaasarpasut aaqiinermut atorlugit tulleriaarinngilagut, tamanna uggornarluinnarpoq aammalu politikikkut pikkorlunneq annertunerujussua Naleqqamiit uggoreqaarput immiunuinnaq tusarnaarnerit uggornat allat tusaarusunnagit tusarnaarsinnaanagit ingerlarsulernerq assorujussuaq nunatsinnut inuinnu ilungersunartorujussuuvuq.

Sooq akitsuutit nunap inuinnu sunniuteqanngitsut piialerpat allat pisariaqarluinnartut aammalu nunap inuinnu aningaasarsiornermullu sunniuteqartorujussuit akitsorlugit soorlu sooq orsussa taama annertutigisumik qaffanneqarpa? Ila inuiaqatigiinnut taanna qanoq naleqassaqa tupinnartorujussuuvuq orsussap akiinik ingasattajaarujussuarlugu qaffaarujussuarneq tamanna inuiaqatigiinnut akisoorujussuusussaavoq akerlianik ulluinnarni akitsuutit inuit inuuniarnerannut sunniuteqanngitsut piarneqalerput.

Tulleriaarinerq torrallangilarsi Naalackersuisunaa nunap inui amerlasuut inuuniapilorput utoqqaat ilinniartut akunnattumik isertitaqartut allallu ulluinnarni atugaat akilersugaat qaaffarujussuartaarput akissarsiaat nikissanatik.

Aningaasarpasut allatut atorsinnaasutsiarsuit igalaakkut igiinnartut illugit akitsuutit maannakkut aningaasartaqanngitsunik Naalackersuisoqatigiit peersinersi torrallangilarsi aamma ilumuunngilaq oqaasertaliussarsi uku akitsuutit piikkasi nunarput najoruminarnerulersissagaat ila taakku piikkasi nunap inuisa inuuniapiloortut nunarput najoruminarnerulernissaanik kinguneqartittussaangillat akerlianik iliuuserineqartut sulit nunatta inuuniarnikkut ilungersunarnerusumik inissisimaffiunissaanut aqutissiuusoqarnera ilungersunartut Naleqqamiit isigaarput.

Taamatut oqaaseqarluta Naalackersuisut tulleriaarinerliuinerat taamatullu saqqummiussaas siunnerfigisaminnut Naleqqamiit tapersunngilluinnarlutigu oqaaseqaateqarfigaarput.